

Rudari danas pred Vladom FBiH



500 članova sindikata iz sedam rudnika danas će na protest pred zgradu Federalne vlade u Sarajevu, zaključeno je u Brezi na vanrednom sastanku predsjedništva glavnog odbora Samostalnog sindikata radnika rudnika Federacije BiH.

Očekuju da ih primi premijer i resorni ministar a ako situacija i nakon sutrašnjeg dana ostane ista 13. septembra rudari Zenice i Breze stupiće u generalni štrajk.

Odluka o protestnom skupu, ostaje na snazi i svi rudari iz sastava koncerna dolaze danas u 10 sati pred Vladu FBiH. Odluku o generalnom štrajku za 13. Septembar štrajk će realizirati ako ne dođe do situacije da se ispoštuje kolektivni ugovor.

Zahtjevi: kraj pregovaračkog procesa oko kolektivnog ugovora, status rudnika i povoljniji uslovi za rad i život rudara.

Pokušaj spašavanja

Federalna Vlada pokušaće spasiti rudnik Breza kreditom, dok je sudbina zeničkog rudnika upitna. To je rezultat jučerašnjeg sastanka resornog ministra, Elektroprivrede i direktora ova dva rudnika.

Za desetak dana, nakon analize, biće održan novi sastanak, kako bi bila donesena konačna odluka za zenički rudnik.

Date: 10-09-2019